



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 116. Papa turbatus Legatos ad Regem mittit.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV.
A.C. 1494.

quæ, ut deprædationis injuriam redimeret, cum Gallis pacifcebatur; eadem quoque ratione Ursini Gallorum furorem declinabant, quamvis Virginius horum Princeps arctioribus longe vinculis Neapolitano Regi addictus esset, quam ut ad primos hostium occursum ejusdem studia defereret; ipse enim regius erat Connestabilis, & Jordanus ab Ursinis ejus filius natu major primogenitæ hujus Regis nothæ filiæ connubiali societate jungebatur: Verum Galliarum Regem fortuna ubique prospera presso pede sequi videbatur; quippe Virginius Ursinus Regis arbitrio suas urbes, atque in fidei pignus suos quoque Filios obtulit, quos Rex Christianissimus læto, lubentique animo recepit.

§. CXVI.

Papa turbatus Legatos ad Regem mittit.

*Surita tom.
5. l. 1. c. 34.
& 36.*

Hæc Virginii Ursini defectio, ac proximus Gallici exercitus adventus Alexandrum Papam ingenti timore percellabant, dubiumque, quid factu opus esset, reddebant. Equidem Calabriae Ducem ad Urbis defensionem advocare meditabatur: ast obstabat amicorum frequentia, quos Columnenses, atque Ursini in Urbe numerabant; terrebat etiam metus de penuria annonæ, cum agrorum

rum sterilitas fruges denegaret, ac Ostiæ præfidiarii commeatum mari advehi prohiberent. Jam ipse Gallis occurrere decernebat, pacem rogaturus: ast integritatis suæ fiducia haud tanta erat, ut sibi polliceri posset, quod ejus præsentia Gallis reverentiam inspiratura esset: in his fluctuantis animi angustiis prehensus, tandem Oratores ad Regem decernendi consilium cepit, ad quod negotium Concordiensem & Tranensem Episcopos selegit unacum Gratiano, qui Pontifici a confessionibus erat; hi ergo unacum Rege de concordiae legibus paciscerentur, eidemque promitterent, quod deinceps Neapolis regnum beneficiario jure obstrictum foret Regi, æque ac Sedi Apostolicæ, hancque in rem Papa quoque novam eidem investituram concessurus esset. Ad hæc Carolus Papæ Legatis respondit: si Sanctitas sua pro se sola concordiam petit, votis ejus plene satisfaciam huncque in finem meos Oratores ablegabo. Nec verbis sua deerat fides; quippe Trimollium, Gannatensem Præfidem, & Bidaltum, ut eum Comminæus appellabat, belli Præfectum ad Papam decrevit. Verum illis Romam vix ingressis, Pontifex noctis beneficio usus, Calabriæ Ducem in urbem recepit, & Galliæ Oratores juxta Guicciardinum, vel juxta Comminæum, quos-

Sæcul. XV.
A.C. 1494.

Guicc. hist.
Ital. l. 1.

Comm. l. 7.
c. 10. p. 47.

Gannay.

Sæcul. XV. dam eorum famulos comprehendi, ac in
 A.C. 1494. arcem S. Angeli includi iussit, unacum
 Prospero Columna, & Ascanio Sfortia
 Burchard. Cardinale, qui tum fidei sibi ab Alexan-
 dro datæ confisi, Romæ morabantur:
 lib. 3. p. 246. hi tamen haud diu in captivitate detenti
 erant; Pontifex enim sedato primo iræ
 impetu, quo ad violandam datæ securi-
 tatis fidem impellebatur, æquiora, ma-
 gisque a proprio commodo aliena cepit
 consilia, omnesque captivos paucis post
 diebus pristinæ libertati restituit, deten-
 tionis causam allegans, quod nuncium
 accepisset, hos nuper inclusos Romam
 eo consilio petiisse, ut populum ad sedi-
 tionem concitarent.

§. CXVII.

*Minæ Regis de convocanda Synodo
adversus Papam.*

Nihilominus Carolus Rex tertiam exer-
 citus sui partem Romanæ Urbi ad-
 movit; cum vero Papa hoc Gallorum
 molimine haud quaquam terreretur, Ca-
 rolus Cardinalem S. Petri ad vincula,
 Sfortiam, Columnam, & Sabellium, ad
 Alexandrum decernit, dato negotio, ut
 Pontifici significarent, quod Carolus
 utpote Regis Christianissimi prærogativa
 suffultus, mox Synodum convoca-
 turus esset, ut in ea discuteretur, qui-
 bus